

0, 147/-


C. xiv

18/11



Digitized by the Internet Archive
in 2018 with funding from
Wellcome Library

<https://archive.org/details/b30512748>



23005

ALOYSSI HEINRICH,

MORAVI OLLOMVCENSIS.

DISSERTATIO

INAVGVRALIS MEDICA

DE

AËRIS EFFECTU

IN CORPUS HUMANUM.



VINDOBONAE,

TYPIS IOAN. THOMÆ NOB. DE TRATTNERN,


CAES. REG. MAI. AVL. TYPOGR. ET BIBLIOP.

MDCCLXXVII.

Ho...
23/10/18






 Aër a Philosophis definitur : corpus esse
 fluidum, particulis subtilibus constans,
 porosum, grave, constanter elasticum,
 a congerie vaporum, atque exhalantio-
 num terrestrium prorsus diversum, atque & un-
 dique diffusum.

His qualitatibus si agit aer certe operatur;
 quare hae proprietates num aëri rite conveniant,
 demonstrandæ sunt.

Omnium primo Aerem fluidum dicimus;
 fluidum est, cujus partes constitutivæ ita laxè
 cohærent, ut levi motu a se invicem cedant,
 & absque destructione totius separari possint, &c.
 Aerem hanc proprietatem habere sat convincit
 u. g. penna anserina ab altis descendens, quæ ae-
 rem cadendo transit, separando ab invicem ejus



partes constitutivas. Hanc qualitatem aeris propriam esse, probant etiam venti: qui nihil sunt, nisi aer, causa quacunque in astris premente, versus minorem resistantiam ruens, habes & folles quibus aerem fluidum in tantam fere distantiam agitare potes, in quantam Syringa aquam liquidam trajicis.

Particulis quoque subtilibus constare aerem non solum, sed omni corpori in rerum essentia existenti haec convenit, tam solido quam fluido; verum soliditas sat distincta est a fluiditate, & solidum & fluidum ex cohæsione particularum homogenearum exsurgit.

Hanc distinctionem nobis parit figura harum particularum constitutarum homogenearum propter quam laxam particularum cohæsionem nobis fluidum, & molle, ex strictiori harum cohæsione solidum exsurgit. Res in exemplo patebit: Summe globulorum quantitatem arbitrariam in vas quodcunque, hi globuli ob figuram rotundam paucissimis se tangent pucitis, ita: ut levi motu cedant, & separari possint ab invicem, & habebis ideam fluidi. Solida utique etiam particulis minimis homogeneis constant, sed non globosis in examine horum corporum per bene patet has particulas constitutivas



vās, fibrosas, quadratas &c. Varie figuratas esse; quare harum nexus in plurimis est pucitis, globosarum autem paucissimis.

Ex hoc intelligimus aerem etiam porosum esse quia minimis globosis particulis & paucissimis pucitis se tangentibus constat, certe interstitia cava, aut, si velis vacua, aut ætherea repleta materia, hunc inter particularum nexum relinqui debent; unde vicissitudines ut: humiditatem siccitatem, calorem, frigus, & variarum fodinarum, palludum, aliarumque nocivarum exhalationum resorptionem derivare poteris.

Nonne & aer fumis aromaticis herbarum odoribus suave olentibus inprægnatur? quod satis porositatem aeris confirmare judico.

Gravitatem aeri utique etiam concedere necessum est ob experimenta in physicis circa hoc attributum instituta. Barometra hanc optime dimetiuntur, quorum usus & fructus satis notus est, quare de his multa conscriptari prætereo.

Qualitas vel attributum hoc hujus elementi optime demonstratur a pressione ab omni in omnem plagam qua vi, cava, vacua, vel leviori aere repleta vehiculo occupare cupit, & in ea



plus premit. Consideremus cucurbitas humano corpori applicatas : antequam hæ applicentur, admovetur illis flamma, deinde madefactis nostri corporis partibus applicantur, & immobiles hærent. Rationem hujus phænomeni a gravitate aeris derivo, & quidem: Cucurbitæ flamma ignea applicatur, qua fit: ut aer calore suo in cucurbita rarefiat, aer rarefactus est, id est: sub majori volumine minus tenet massæ; sic corpori applicantur aere raro plenæ, si dein frigidæ sunt aer internus ad repletionem integram cavi cucurbitæ non sufficit, quia minor fit; per laminas vitreas vel auricalchicas aer transire non potest, partes corporis humefactæ fuerunt, partim ut laxentur, partim ut commercium inter aerem externum & internum eo certius tollatur; quare fit: ut aer in corpore contentus, in cucurbitam, spatium vacuum replere volens, partes corporis laxatas carneas premat, admosphæræ gravitas ab omni plaga in omnem partem cucurbitæ aget hanc immobilem teneat. Quales hic gravitatis effectus!

Ita quoque fit, si ex clavi ori affixa aerem exfugo orificiumque illius lingua obstruo hæret tunc pendula clavis; quia lingua, ab aere clavam intrare volente, impressa tenetur, donec aer, vel penes linguam defectum refarcire conans,



nans, vel per laminas non rite conglutinas
furtim ingrediatur, & linguam commercium tol-
lentem vincat, clavimque cadere faciat.

Non mirum erit dicere hoc fluidum aereum
undique diffusum, habere vim sese ad statum
pristinum restituendi post mutationem qualem-
cunque, quam vim elasticitatem elicimus. Ad
elasticitatem perfectam subtilitas partium con-
stitutivarum requiritur, & quo subtiliores eae
fuerint, eo perfectior vis elastica evadit. Aeris
partes constitutivae utique subtiles sunt quia ru-
do vix non nihilum sua diaphaneitate mentiun-
tur.

Hanc vim aerem possidere docent: sclopes
a ventosa (*germ. Windbüchse*): in quorum la-
genam aer tanta vi & copia recluditur, ut haec
uti septemdecim ad unum plus aeris contineat,
hac enim vi illata aeri ejus particulae magis ad
e accedunt, comprimuntur, minusque occupa-
re spatium coguntur, uti: u g. ex fluido solidum
fieri solet, ut: glacies &c. Quanta hic experi-
tur vis elastica globum enim plumbeum, vi & ce-
leritate expeditissima expellit, ut & asseres fat cras-
sos in satis longa distantia perforare valeat. Hac
vi fere omnia corpora excedit, haec enim per
longam compressionem, aut repetitam vexatio-
nem elasticitatem amittunt, ubi aer in con-



trarium diu inclusus & compressus nihil de elasticitate deperdidit; quod Formey in seinen *Entwürfe der physique* fol. 130 Tomo 1^{mo} Dialogo 6^{to} pulchre experimento comprobatur, dum ostendit aerem in Sclopeto ventoso quindecim annis inclusum nihil de elasticitate ammisit.

Si explosio globi ex tormento bellico consideratur, sonus ab elasticitate aeris fieri apparet; tormentum enim ad quandam distantiam suæ longitudinis pulvere pyreo impletur, qui dein accensus tota sua massa ob causas jam notas, in ignem convertitur, hic inclusus semper majus occupare cupit spatium hinc summa vi in globum utpote minus resistentem, agit, quem per longitudinem tormenti trudens, summa vi & celeritate una cum aëre ante se contento expellit, quem ignis sequitur, qui ob celeritatem & copiam vimque se expandendi nihil, aut paucum per scutulam, nihil vero per anterius orificium immittit, donec extinctus tormentum vacuum relinquat. Quare aer ob vim suam elasticam vi maxima in vacuum tormenti cavitatem ruit, & cum eo collidendo sonum causat. Hoc ita fieri probatur recessus tormenti in non exiguam distantiam idem, & in aliis instrumentis trajectoris experitur, quid igitur mirum, si sclopetum venatica incautis venatoribus nonnunquam solatia



tia colapho saliunt. Trajiciatur tale instrumentum anteriore parte (scilicet foramine) in aquam immerso! quis inde sonus?

Aerem a vaporibus & exhalationibus terrestribus diversum, eumque undique diffusum esse, utique concedis.

Aer ita descriptus in omnia corpora supra tellurem existentia, aut premendo, aut se in poros insinuando agit. Nostra vero corpora non tantum ea patiuntur, sed & aerem omni momento ad sanitatis, & vitae continuationem vel per os, vel per nares ad pulmones follis ad instar ducitur, & ejicitur, quod Medici nomine *respirationem* dicunt.

Inspiratione quædam quantitas aeris in cavos ducitur pulmones, ubi omnem plagam pulmonum internam replet, ut dilatetur, arterias, venasque per pulmones circulantibus gravitate & elatere suo comprimit, viscera infra diaphragma locata versus pelvim in musculos abdominales agere cogit, dein calidior, humidior per easdem vias expellitur. Hæ actiones per vitæ cursum partim voluntarie, partim nobis insciis continuo peraguntur, qui inde effectus, videndum. Expansione hac & collapsu reci-



proco pulmonum, omnes partes eorum, arterias chilum vehentes premit, quare fit, ut ille respectu sanguinis adhuc crudus carminetur, cruori nostro commisceatur, & cum eo per vasa ad nutritionem adoptata fluere discat, secretionesque perficere valeat. Viscera abdominalia pariter premit alternis vicibus, ut cibi ventriculo contenti humoribus menstrua suppeditantibus misceantur, nexus eorum solvatur, conquassentur, concoquantur, & tandem in chilum inquilinum nostræ naturæ humorem mutantur; causat & hac expansione pulmonum, ut excretiones tam alvinæ quam urinossæ felicius expediantur: foetum vix non solus sæpe nixus respirationis excludit. Alia adhuc nobis aer in pulmonibus beneficia concedit, ut: vocem, loquelam, quæ ab aere inspirato majori vi in expiratione adhibita, expellente oritur, & quidem ita: aer in pulmonibus quantitate sufficiente adtractus habetur hic fortiori solito nixu expellitur, introtractione muscutorum abdominalium, qui in contenta abdominalia agunt, hæc in diaphragma, hoc in pulmones, constringitur simul rima glotidis, ita; ut aer per caput asperæ arteriæ non transire possit, quin non motum tremulum causet, & sic oritur sonus, qui fortiori aut laxiori constructione rimæ glotidis, validiori aut leniori nisu aerem ex pulmo-



mone expellente, variis obstaculis in faucibus, ore positis, in pronunciationem vocalis, consonantis & sic in sermonem transeat.

Sic habes cantum, in quo sonus juxta *gravitatem acutiem*, tarde, celerior, fortiter, blande flectitur, dirigitur, certe ab aeris expiratione, leniori aut laxiori constrictione rimæ glotidis, accurtatione tracheæ (quia tunc latior sit) tonum gravem audis, e contra elongatione asperæ arteriæ, strictiore rima, fortiori expulsionem aeris, tonum accutum aut altum, ut Musici dicunt, proferis. Huc accedunt varia obstacula in variis tonis aeri egredienti posita, ut: strictura labiorum attractio eorum ad maxillas, lingua &c. quare cantatores in variis tonis formandis sæpe ora horrendè curvant.

Tussis a natura nostra in emolumentum vocatur, ut irritans quidcunque fauces, laminam asperæ arteriæ intimam, vel ipsos pulmones in sua cavitate, cum aere inspirato, una cum eo ejiciatur, qui firmato toto corpore, mento antè ducto, lingua exserta, ut via recta pateat cito per vices summa vi expiratur.

Risus ab aere inspirato, stricta rima glotidis, citissimis admodum vicibus, ac parvis & repetitis intervallis expellente oritur.



Vellicantem nares inimicum *Sternutatio* expellit scilicet: ab aere copiosiore hausto simul & semel per nares vi ejecto omnibus potentiis in inspirationem & expirationem militatibus in consensum vocatis, & conspirantibus, hic, ne per validum hunc nixum fortissimam expulsionem aëris versus passim cranii tendendis, quid in encephalo tenerimorum vasorum lædatur, sedula natura fixationem cervicis, capitis, totius corporis nobis & insciis praemittit. Nares, aërem fortiori nisu solum per has emittendo emungis.

Ope aëris tubi Musici flantur, ut: cornua, quæ aëri cum labiis motum tremulum causanti, applicantur; tonus illorum pro ratione stricture labiorum modulatur.

Sed & aër se subducit cibus, aut deglutitione in primas vias, ventriculum & intestina. Sunt cibi, qui cæteris paribus plus aëris in se continent; ut legumina; quæ plus, cærealia, quæ minus, per manducationem etiam quid aëris cibus admittitur, commiscetur his saliva, quæ aërem in se continet (docente spuma illius) sunt & quæ in usum cibarium assumpta sunt, quæ aërem continent, & calore nostri corporis suam



suam incipiunt sequi naturam, scilicet: fermentationem, vel putrefactionem, ut rapa raphanus.

Esu horum, manducatione nexus illorum fortior commolitur, commiscentur saliva, deglutiuntur, aërem autem fixatum in se continent. Quare hic ob copiam ingesti, solutionem nexus, fœtum ventriculi, rare fit, elasticitatem ob calorem corporis perfectionem acquirit, & sui juris factus in tractu intestinorum nomine *Borborygmorem* aberrat; qui si ad ventriculum, ex eo per os emittis *Ructus*: si vero versus anum & ex eo expellitur *flatus* dicuntur, quare *Hypoc liber: de flat. inquit omnia, quæ eduntur, ac bibuntur spiritus in corpus ingerunt aliquando plures, aliquando pauciores.*

Laxitas si accedit intestinorum, vel debilitas, aër his debilibus potentius non cedit, eo minus expelli potest, sed haec ab aëre magis magisque distenduntur, in aliis locis sponte ob irritabilitatem intestina se contrahunt, ut aër sibimet viam occludat, quare dolor intestinorum, qui Medicis nomine colicae flatulentæ dicitur.



Ratio, quare pinguibus, sedentariis plus hi cibi incommoditatis causent, est: quia adlethorum intestina pinguedine sepulta jacent, quapropter in aërem contentum eo robore, quo illum expellere deberent, agere non possunt, sedentarii corpus suum utique non, aut raro movent, quare in his omnes actiones thæsede perficiuntur, & aëri intestinis contenti longius tempus tractum eorum perficiendi admittitur, & diutius incarcerationatus manet, oberrantia sua plus incomoditatis, & diutius causare debet.

Nunc actio aëris in peripheriam corporis externam consideranda venit.

Hæc varia est, pro varia ejus qualitate, simplex et communis actio est in corpus æqualiter undique premere, & limites distensionis ponere. ultimum probat rana in antlia pneumatica, ubi extractione aëris, ejus pressio in ranam definit, hæc in immensam molem ad rupturam usque dilatatur.

Ita ergo aër in corpus nostrum agit, si ille purus, ferenus & temperatus est, his actionibus & qualitatibus sanitati, & vitæ non solum accommodatus, sed & necessarius est.

Per



Per aërem purum intelligitur, qui partículis hæterogeneis vacat, & a variis adventitiis exhalationibus probe defœcatus est. Quo plus ab æthera substantia, seu subtilissimo, poros aëreos occupante continet eo serenior est.

Qui vero nec calore, nec frigore, neque humiditate excedit, sed blanda & moderata temperie gaudet, temperatus dicitur ille aër.

Vix vero aër semper idem est, quotidie vix non alio exponimur medio aëreo, sic hos effectus, quos aër ab his qualitatibus aberrans producit, perscrutari necessitor.

Erga puritatem peccat, si volitans supra corpora exhalantia, ab eorum indole quid participet, utique aër porosus est, & undique diffusus, hinc omnia corpora, quæve supra tellurem existunt, allambit, eorum quisquillas exhalatus secum poris suis occultas, rapit, nobis adfert, pulmonibus hauritur, peripheriam adflat, absorbendo causat funestum sæpe effectum, si a piscibus ad litora maris putrefactis absorbet; paludes putrescentes, cadavera hominum, animalium certe spargunt mephitim, cava subterranea, musta fermentantia lætalem sæpe largiuntur halitum.



Aër civis variis exhalationibus, ut urinæ, fœcum tam hominum, quam animalium, æquorum &c. transpiratione horum, & mille hominum tam sanorum, quam ægrotantium gravidus est, quod bene observatur, si civitas talis mane ad ortum solis a longis conspiciatur, nebulosus tunc supra hanc scandit, ut densitate sua turres, ædificia altiora, invisibilia reddat, donec calore potentiore radiorum solarium in latius dispergantur, & ridens aura, purior aër incolis in respirationem concedatur. Vespere id idem fit, quia occasu solis aër frigidior factus has exhalationes suspensas tenere non potest; quare tanta morborum *chronicorum* series magnis et populosis civitatibus endemiam causat.

Campestris ille nullis nisi terrestribus gratis, vel herbaceis impleri potest, nisi ex aliis, huc ventu adferatur verum sæpe quisquiliis, piscinarum, ovulis insectorum infectus est, quæ autem cito, momentanea renovatione disperguntur, ut tam facile haurienti nocere vix valeat.

Aliud est, si exhalationes salinæ, sulphuræ, metallicæ aërem gravent, quæ cita, ac certa morte cronica mala delet.



Fumis sæpe imprægnatur, qui si temperate aromatici sunt, gratam refectionem pulmonibus largiuntur, qui, si metallici, vt opifices, fosfores respirare coguntur, vitandi sunt, fumus extinctæ candelæ, carbonum oleosus empyreumaticus quoties ille mortalibus vitam rapere gavisus est.

Quæ? nisi aër causa est morborum contagioforum. pestilentialium, hic nobis contagium adfert, quod pulmonibus aëre mixtum adtrahitur, corporis perypheriæ externæ applicatur, quæ vasis tam in quam exhalantibus instructa est, quæ hospitem aëris naturæ & corpori adeo inimicum in suum assumunt domicilium, & sanguini venoso tradunt, qui dein totus quantus in contagii simile mutatur, ut morbum producere valeat, qui alios, & omnes ob eandem causam afficere potest. Hoc Hypocrates jam notavit.

Hæ quisquiliæ in aëre pro ratione anni temporis copia variabit, vernali tempore radii solares non adhuc sic potentes sunt, ut aërem ita exsicarent, ita rare facerent, vt vallide ficiens in absorbtionem exhalationum ruat, hunc aërem hoc tempore, aëri sub æstuante caniculo sole præfero, hic nimirum a radiis solaribus per-



perpendiculariter in terram incidentibus, & quasi concentratis ita exsiccatur, ut corpora quæque tangit suo non solum liquido superfluo, sed et ad eorum consistentiam & nexum requisito orbet; Autumnus ventis in hiemem transit, de quibus suo loco plura dicam, hic corpus nostrum effectus producit, ob præcipitationem eorum, quæ antea callidior, sicciore aëre suspensa tenebantur, & ob mutationes, vicissitudines scilicet caloris, frigoris, pluviae, & siccilitatis. Hyems frigore corpora vexat, de quo inferius.

Variat & aër in locis, montanus tenuior, levior, sincerior; profundiora loca, gravis variis exhalationibus prægnans transpirat, & incolas, *scorbuto, exanthematibus chronicis* signat, ubi prior montanus allacritate, sanitate, licet strummis cives suos solatur.

Aërem serenum dixi, qui de ætherea materia, plus minus associata sibi habet, quo plus eo serenior & vicissim. Hic aër vivido suo motu intestino, graves & peregrinas exhalationes a consortio suo arcet, & excludit.

Hinc purus et serenus aër motum contractorium & expansivum fibrarum nostrarum servat, debitum tonum, conveniens robur foenerat,



rat , poros , ac tenuissima vascula non nimis constringit, nec justo plus laxat, neque partium fluidarum compagem solvit, vel attenuat, neque spissum inducit lentorem, sed potius decentem humorum crasin & temperiem egregie tuetur..

Temperatus aër est, qui nec calore, frigore, humiditate &c. nimium exorbitat, sed placida, & moderata temperie gaudet. His autem quam sæpe vitatur, sic, ut vix non quamdam harum mutationum aëris, specialis sequatur effectus.

Humiditatem contrahit, aura pluviosa, nebulosa, vel piscinas, lacus &c. super volando, eorum exhalationes sorbendo, imbibendo, in suum porosum consortium assumendo.

Humidus nimis aër, ea, quæ temperato cum aëre ex pulmonibus roris instar educuntur, assumere non potest, hinc ea in cavis pulmonum bronchiorum derelinquit. Ubi ob moram condensantur, spiscescunt in mucii consistentiam, vasa pulmonaria laxantur, debilitantur, a lemmis mucii grassioris obstruuntur, irritantur, quare *tusses catarrhos, sputa perypneumoniam* effectat.



Transpirabilis perypheria corporis humani mediæ staturæ Cl. Hallero ad sex pedes quadratos delineata est, quorum Leuwenhœkii 125000. sub spatio grani sabulini hiare statuit. Hæc vascula aëre temperato, ætate vegeta, vita beata, victu moderato, una cum cavo narium oris &c. ad $\frac{5}{8}$ assumptorum exhalant, reliqua secretionibus & nutritioni sedula natura porriguntur; Hæc vascula, si ab aëre humido totum corpus ambiente, attinguntur, flacciscunt, collabuntur, & non transmittunt ea, quæ transmittenda sunt, verbo, transpiratio supprimitur.

Humores (qui insensibiliter expellerentur) eum reliqua massa cruoris in circulum aguntur, qui ob copiam tenuia vasa dilatant, distendunt, ob acrimoniam rodunt, irritant, obstruunt, inflammationes, morbos *catarhosos Rheumaticos* causant; si frigidus simul sit, oscula horum vasorum constringit, in tubercula elevat, præcipue in manibus & pedibus, quæ nudæ exponuntur aëri, quod cutim anserinam nominant, magnum si jungitur gelu ferofam colluviem, magnus si calor putredinem, Boerh. institut. suis §. 748 oriri dicit.

Verum



Verum moderate humidus aër varium pro diversitate subjecti sortitur effectum, strictis, solidis, laboriosis subjectis parum, si non conducit, nocebit, contra pinguibus Phlegmaticis, thorosis incommodus est, quia in his serosa prædominatur in humoribus colluvies, laxis constant vasis, quæ hoc sub aëre plus emolliuntur, debilitantur, & citius obstruuntur.

Huic opponitur siccus, qui tenuissima liquida corporum imbibit, aufert, ut exsucca, & efœta tempore remaneant: exemplo sint *Mumia*.

Huc & gravitas jungitur, qua in pulmones majori vi ratione baseos et altitudines ruit, tenera bronchia omni fere genere vasorum coronata, cincta, plus premit: canalibus externi corporis, & humoribus in eis contentis ponderose incumbit, quare cordi & sanguini ex eo egredienti, potentiisque internis nimias ponit resistentias, humores per viscera interna laxa, & minus resistentia, majori vi & celeritate transire facit, malorum copiam & intensitatem sat intelliges. Quo gravior, eo citius humorum motum suffocat, & occidit.




Levis si idem est, minus in pulmones premit, cordi minores & leviores ponit resistencias, quod vires suos magistrales in hos exercet, humoribus vasa implet, quæ dilatantur, tument, rumpuntur, *hæmoptœn* inflammationes ob tenebritatem admittere coguntur, sanguis venosus non expeditur, arteriæ cordi quoque minus resistunt, unde *palpitatio cordis, anhelitus, mors*. In externa ambagine corporis, ob minorem compressionem vasa dilatabantur exhalantia, quare humores plures & crassiores admittunt, qui ultimos fines transire non possunt, vasa rumpunt, quare *error loci, œhimosis, exantemata, vitiligines, postula, scabies &c.*

Calidus aër est, qui plus particularum ignearum suis poris continet, ob quarum quantitatem gradus dimetitur caloris, has colligit vel igne foci, qui tantum hyeme cubilibus &c. inservit, vel radiis solaribus, qui totam replet admosphæram, nostros pulmones respiratione ingreditur, & totam epydermidem lambit.

Hic aër, quo calidior eo ficcior & rarior est, quare respiratione inductus & expulsus, tenuissimum liquidum narium, oris, faucium, asperæ arteriæ, pulmonum absorbet, imbibit, furtimque subducit, vascula, quam hæc cava co-

ronan-



ronantia, tam eo se evacuantia exsiccat, sanguinem, qui maxima quantitate pulmones transit, adunat, cogit, ut crassior, spissiorque fiat, quare per vascula arida spissior factus, cruor transire non potest, unde *obstructiones, inflammationes* &c. externos humores transudatos insensibiliter pariter aufert, aquosæ, spirituosæ, salinæ partes sanguinis nostri exaltantur, id est, liberæ fiunt, avolant, residua crassiora, terrestria, oleosa, salina fixiora accumuluntur, compinguntur, lenta aggregantur, ut spissitudo obstruens canales oriatur, quod incolæ zonæ thorcidæ demonstrant. Ob tenuiorum in crassi humorum defectum *appetitus, manducatio, digestio* ciborum languent, alvus sequitur adstricta dura, sicca, sitis inexplebilis, urina ab olea, & salia, terrestria, quæ continet *fætidior, rubra, acris*, unde *stranguriæ*. &c. in reliqua serie vasorum, *obstructiones, inflammationes, stagnationes, erosiones, effusiones, putredinem* &c. effectuat.

Aëri calido opponitur frigidus, qui paucas secum vehit igneas particulas; hic pulmonibus inspiratus fibras, vel vascula pulmonum stringit, stricta vascula humores (qui roris instar halant) non emittunt, hinc pulmones siccat, sanguinem ibidem coagulat, & *anhelitum*



inflammationes, sub nomine *catarhi*, *tussis co-ryzae* &c. in actum ducit. Motus, si illi jungitur corporis, sanguis ob actionem musculorum citius, & celerius ex venis versus cor propellitur, hoc sæpius se contrahere cogitur, sic fortius & frequentius agit sanguinem, hic validius in arterias, hæc rursus in humores & motus horum adeo augetur, ut summa fiat attenuatio, perspiratio, debilitas, animi deliquia, mors subitanea. Boer. institut. §. 747.

Quiete, si frigus sufferre cogimur, periculo mortis haud vacamus, nam tunc pori, ex- & inhalantes tam peripheriæ, quam oris faucium, narium &c. constringuntur, diametro cavitationis imminuuntur, detumescunt, ut vix in conspectum veniant, & verus sequitur *torpor*, *stupor*, seu *insensibilitas*, cruor paucus in vasis extremitatum: præcipue pedum congrumescit, in- & effluxus humorum in partes languet, unde *debilitas*, *tremor*, & tandem definit, quare *gangræna*. Motus in reliqua augeri debet, quia tanta vasorum series humores recipiendi destituta est, hinc versus encephalon, qua partem mollem, tenuem majori vi & copia ruent, cruor, gromescens, spissus vasa tenera cerebri obstruere inchoat, quare infar-

ctus



Etus sensorii communis memoria vacillans sensuum debilitas, spirituum languor, Anaidisia, & somnum apparenter blandum capiunt, quo miseri in asteris duriciem aridescunt.

Ad aerem temperatum & venti spectant, hi in nos agunt motu suo, pressione inæquali, & ratione qualitatis ipsius aeris moti. Distinguuntur ratione plagæ à qua nos adflare solent, scilicet: Eurus, Zephyrus, Austrus, Boreas. Eurus ab aurora est. Zephyrusque a sole cadente, is calet & ficit: friget hic atque modet &c. Haberfack de aere pag. 27.

Austrus a meridie mare, loca thorrida transit, quare hic calidus humidus; Boreas a septentrione sævit qui montana nive tecta scandit antequam ad nos deveniat, hinc ille frigidus, & ficit, hac distinctione intelligimus ventos in nos eosdem effectus, quos aër exercere posse, nisi quod citius & validius hos producant, est quidem horum subdistinctio, quæ autem nautas plus, quam medicos tenet, advehunt sæpe nobis varia, quæ ad qualitates aëris explicatas referuntur.

Aërem humoribus nostris inesse, evincunt experimenta verissima, num se sanguini munere



respirationis commisceat? num per vasa inhalantia ingrediatur? sunt Autores qui negant. Commistum tamen esse sanguini, evincit. Rarefactio humorum, quæ sæpe pulsum tangenti plethoram adcusat, quia globuli sanguinei per motum seu stimulum & calorem, motu totius corporis, ab aromaticis, stimulantibus, spirituosissimis assumptis, ita distenduntur, ut majus occupare conentur spatium, hinc arterias in diastole sua justo plus dilatant &c. verbo: omnis motus humorum acceleratur; an non ab aëre in sanguine contento rarefacto, hoc dependeat phenomenon?

Antlia nobis ex humoribus animantium aërem extrahit!

Aër cum cibis in chilum mutatis in sanguinem transire videtur, quia post longum & largum usum ingestorum flatulentorum, effectus sæpe observantur sequentes:

Tympanitis ubi aër tractum intestinorum ita dilatat, ut abdomem in immensam molem increseat, & ad ictum digiti tympani instar resonat, sæpe & aër cavum abdominale implet, & ita dilatat.

Tunicam cellularem palpebrarum oculorum &c. infarcit, inflat quod *œmphisema* vocatur,
di-



dilatatio tunicæ cellularis scroti infantum ita dilatatae ut ad mota candela ardente arteriæ testium &c. vibrare videantur, pneumatokele dicitur.

Causa horum morborum aër in humoribus nostris contentus esse videtur, qui in partes has debilitatas, laxatas extricatur pressione aëris atmosphaeræ æqualem vincit, & tumorem elevare finit.

A cantu risu informi infantum, tussi, fortiori nixu respirationis, ut in depositione alvi, partu difficiliore fibræ mezochondriacæ debilitantur, laxantur, ab invicem divaricantur, vel & rumpuntur, aërem in tunicam cellularem transire admittunt, qui tumorem, quem strumam dicimus elevat.

Cum ad sanitatem aër & vitam conservandam omni animali pulmone gaudenti admodum necessarius sit, ut eo carere non valeat, eligendus nobis est, ille qui purus, serenus temperatus est; temperies aëris adeo mutabilis & vix evitabilis, pro ratione structuræ corporis accommodari debet, ut: humidus; ficcis temperamentis: ut atrabiliariis sanguineis conducere potest, quia stricta illorum solida ita dirigit, ut debitum tonum, conveniens robur, conservet, corpus



pus transpirabile maneat; Phlegmaticis, cholericis contra ficcior aër optimum est medium, hic enim vascula aliunde laxa non plus dilatat sed potius hæc in eodem tenore pergere discit.

Ita de calido & frigido, qui prior cholericis. phlegmaticis utpote subjectis frigidis humidis conducet, horum excretiones, & secretiones thæsides potius accelerat quam retardaret. Frigidus aër sanguineis melancholicis placida aura est, quia illorum structura ita disposita est, ut semper plus caleant.

Hæc qualitates distinctas diversis temperamentis conducentes esse dixi, si illæ moderatæ sint, & non nimium exorbitent & non nimis diu subjecta vexet, quia tunc tota quanta constitutio corporis mutaretur, quod *Metamorphosis*, temperamentorum a mutatione loci, climatis, regionis optime docet.

Si duæ quælitates simul conjunctæ essent, ut calidus & ficcus, calidus humidus sic harum effectus supra explicati considerandi & combinandi sunt!

Quod aërem purum ad ferenum attinet; is nullo modo indifferens est, sed semper adque semper his qualitatibus aberrans subjecta ægre afficit.

A. air Sect. 8. Thes.

